

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
GRAD ZAVIDOVIĆI  
Služba za upravu civilne zaštite



BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
GRAD ZAVIDOVIĆI  
STRUČNA SLUŽBA GRADONAČELNIKA

|            |            |           |             |
|------------|------------|-----------|-------------|
| Primljeno: | 07-11-2025 |           |             |
| Org. jed.  | Kl. ozn.   | Red. broj | Br. prijaga |
| 02         | 40         | 2317/25   |             |

Broj: 07-45-21-214/25

Datum: 06. 11. 2025. godine

GRADONAČLENICA  
- o v d j e -

**PREDMET:** Prijedlog Odluke o organizovanju službi zaštite i spašavanja, dostavlja se

U prilogu ovog akta dostavljamo Vam Prijedlog odluke o organozovanju službi zaštite i spašavanja Grad Zavidovići. Navedeni Prijedlog odluke sadrži sve dijelove u skladu sa Jedinstvenim pravilima za izradu pravnih propisa u Zeničko – dobojskom kantonu („Službene novine ZDK“, broj: 5/08).

S poštovanjem!

Dostavljeno:

- Naslovu
- a/a



POMOĆNIK GRADONAČELNICE

Basir Izet, dipl.ing.agr.

Akt pripremio:

(Kenan Hadžić)



Broj: \_\_\_\_\_/25  
Datum: \_\_\_\_\_ 2025. godine

Na osnovu člana 39. Statuta Grada Zavidovići („Službeni glasnik Grada Zavidovići“, broj: 5/08 i 5a/08), a u skladu sa člana 123. stav 3. Zakona o zaštiti spašavanju ljudi i materijalnih dobara od prirodnih i drugih nesreća („Službene novine Federacije BiH“, broj: 39/03 i 22/06 i 43/10) i člana 14. i 16 Uredbe o organizovanju Službi zaštite i spašavanja Federacije Bosne i Hercegovine („Službene novine Federacije BiH“, broj: 58/06, 66/12, 11/17, 20/20, 43/21 i 18/23) Gradonačelnica Grada Zavidovići na prijedlog Službe za upravu civilne zaštite, donosi

## **ODLUKU O ORGANIZOVANJU SLUŽBI ZAŠTITE I SPAŠAVANJA GRADA ZAVIDOVIĆI**

### **I – OSNOVNE ODREDBE**

#### **Član 1.**

Ovom Odlukom određuju se pravna lica i udruženja građana u kojima se organizuju Službe zaštite i spašavanja, koje će djelovati na području Grada Zavidovići (u daljem tekstu: grada), utvrđuju zadaci tih Službi i uređuju druga pitanja od značaja za organizaciju i rad tih Službi.

#### **Član 2.**

U cilju stvaranja uslova da se u svim slučajevima nastanka prirodne ili druge nesreće na bilo kom području grada može obezbijediti odgovarajuća zaštita i spašavanje ljudi i materijalnih dobara, formiraju se službe zaštite i spašavanja na nivou grada.

U skladu s ciljevima iz stava 1. ovog člana, a prema procjeni ugroženosti Grada Zavidovići od prirodnih i drugih nesreća (u daljem tekstu: Procjena ugroženosti Grada Zavidovići), na nivou grada potrebno je formirati službe zaštite i spašavanja u pravnim licima i udruženjima koja ispunjavaju odgovarajuće uslove u pogledu materijalne opremljenosti i kadrovskom osposobljenošću.

#### **Član 3.**

Službe zaštite i spašavanja iz člana 1. organizuju se u pravnim licima i udruženjima građana koja ispunjavaju sljedeće uslove:

- 1) da je njihova djelatnost ili dio djelatnosti od značaja za zaštitu i spašavanje ljudi i materijalnih dobara od prirodnih i drugih nesreća,
- 2) da raspolažu kadrovima koji su stručno obučeni i osposobljeni za vršenje poslova iz nadležnosti Službe zaštite i spašavanja,
- 3) da su materijalno opremljeni odgovarajućom opremom i drugim materijalno-tehničkim sredstvima koja su neophodna za vršenje poslova iz nadležnosti Službe zaštite i spašavanja.

#### **Član 4.**

Službe zaštite i spašavanja predviđene ovom Odlukom namijenjene su da djeluju na području grada u fazi spašavanja i fazi otklanjanja posljedica za vršenje za vršenje zadataka na zaštiti i spašavanju ugroženih ljudi, životinja, materijalnih dobara u odnosu na poslove za koje su nadležne a u skladu sa naredbom Gradskog štaba civilne zaštite Grada Zavidovići (u daljem tekstu Gradski štab).

## **II – PRAVNA LICA I UDRUŽENJA GRAĐANA U KOJIMA SE ORGANIZUJU SLUŽBE ZAŠTITE I SPAŠAVANJA**

#### **Član 5.**

Polazeći od kriterija iz člana 3. ove Odluke, Službe zaštite i spašavanja na nivou grada organizuju se u sljedećim pravnim licima i udruženjima i to:

##### **1. Služba za medicinsku pomoć formira se u Javnoj ustanovi „Dom zdravlja“ Zavidovići**

Ova služba vrši operativne mjere zaštite i spašavanja koje se odnose na zdravstveno zbrinjavanje povrijeđenih i oboljelih ljudi na području grada, vrši poslove prikupljanja i statistički obrađuju podatke o zdravstvenom stanju na području grada, kontrolira, prati i analizira epidemiološku situaciju na području grada, predlaže i provodi protuepidemijske mjere, te nadzire provođenje obaveznih imunizacija, kontrolira higijensku ispravnost vode za piće, površinske i otpadne vode, zdravstvenu ispravnost namirnica i predmeta opće upotrebe, vrši analizu i ocjenu uticaja okoliša po zdravlje ljudi i druge poslove koji izravno ugrožavaju zdravlje većeg broja lica, i to:

- a) u fazi spašavanja
  - obavlja medicinsku trijažu za određivanje težine povreda ili oboljenja i utvrđivanje reda hitnosti za pružanje prve medicinske pomoći,
  - vrši sanitetsku evakuaciju, pronalaženje, izvlačenje i iznošenje povrijeđenih i oboljelih, njihovo prevoženje ili prenošenje do odgovarajućih zdravstvenih ustanova radi zdravstvenog zbrinjavanja,
  - pruža opću medicinsku pomoć koja se odnosi na provjeru i dopunu postupka prve pomoći, opće mjere reanimacije, davanje antibiotika, seruma imobilizaciju, stavljanje adekvatnih zavoja, opću njegu i druge mjere koje doprinose zbrinjavanju oboljelih i povrijeđenih ljudi,
  - prema ukazanoj potrebi vrši neposredno na terenu kao pokretna bolnica (poljska bolnica) na kojem se nalazi veći broj povrijeđenih ili oboljelih ljudi i za te potrebe razvija pokretne ekipe sa potrebnim tehničkim i drugim sredstvima i opremom.

b) u fazi otklanjanja posljedica

- preduzima mjere na angažovanju stručnih timova zdravstvene zaštite na otklanjanju posljedica,
- vrši zbrinjavanje povrijeđenih do najbližih zdravstvenih ustanova i identifikaciju umrlih i poginulih ljudi,
- vrši dezinfekciju i deratizaciju na području grada,
- vrši neprekidnu kontrolu zdravstvenog stanja ljudi na području grada zbog sprečavanja pojave zaraznih bolesti.

Pod pogođenim područjem u smislu ove Odluke podrazumijeva se situacija koja karakteriše direktno djelovanje prirodne ili druge nesreće na području grada.

**2. Služba za za asanaciju terena i vodosnadbijevanje formira se u JKP „RADNIK“ Zavidovići**

Ova služba vrši operativne mjere zaštite i spašavanja koje se odnose na snabdjevanje stanovništva pitkom vodom na pogođenom području. Vršiti opravku postojećih oštećenih i uništenih objekata vodosnadbijevanja vodovodne mreže, snabdjevanje stanovništva pitkom vodom, vrši analizu vode koja se koristi za piće, obavještava stanovništvo o ispravnosti vode, način korištenja vode za piće u domaćinstvima, osigurava uvjete za normalno snabdjevanje higijenski ispravnom vodom stanovništva na pogođenom području, vrši operativne mjere zaštite i spašavanja koje se odnose na sahranjivanje poginulih i umrlih ljudi i spaljivanje ili zakopavanje uginulih životinja na pogođenom prostoru, obavještava građane o režimu i mjestu sahranjivanja ljudi, vrši angažiranje pogrebnih službi na vršenju zadataka koji se odnose na sprečavanju zaraze epidemije i drugih štetnih posljedica po ljude na pogođenom području, i to:

a) u fazi spašavanja

- vrši angažiranje pogrebnih službi na vršenju zadataka koji se odnose na uređivanje mjesta za sahranjivanje poginulih i umrlih ljudi,
- uređuje mjesta za ukopavanje ili spaljivanje životinja i drugih biogenih materija,
- vrši zakopavanje životinja ili drugih biogenih otpadaka ili njihovo spaljivanje po posebno propisanim mjerama zaštite ili njihovo neškodljivo uklanjanje,
- učestvuje u ekshumaciji leševa iz zajedničkih grobnica,
- obavještava građane o o režimu i mjestu sahranjivanja ljudi,
- vrši opravku svih postojećih oštećenih i uništenih objekata vodosnadbijevanja i vodovodne mreže,
- postavlja pumpe za vodu i druge uređaje za eksploataciju podzemnih voda za to predviđenim mjestima kada ne funkcioniše redovni sistem vodosnadbijevanja,
- snadbijeva stanovništvo vodom putem cisterni ili na drugi način,
- vrši stalnu analizu postojećih izvora vode, kao i podzemnih voda koje se koriste za piće,
- obavještava stanovništvo o ispravnosti vode, planovima redukcije i načinu korištenja vode za piće u domaćinstvima,
- vrši druge mjere i postupke za snadbijevanje vodom i njenu upotrebu na pogođenom području grada,
- vrši čišćenje javnih površina od otpada i šuta koji je nastao rušenjem ili oštećenjem objekata od djelovanja prirodne ili druge nesreće,
- uređuje prostore za odlaganje smeća i održavanje takvih prostora,
- obavještava stanovništvo o načinu odlaganja i selekciji otpada i drugi način odlaganja,



- obavještava stanovništvo o svim drugim pitanjima vezanim za redovno održavanje kanalizacije i čistoće okoline.
- b) u fazi otklanjanja posljedica
  - vrši angažiranje pogrebnih službi na vršenju zadataka koje se odnose na sprječavanje zaraze, epidemije, i drugih štetnih posljedica po ljude na pogođenom području,
  - angažiranje stručnih timova za rješavanje pitanja koja se odnose na vodosnadbijevanje,
  - osigurava uvjete za normalno snadbijevanje higijenski ispravnom vodom stanovništva na pogođenom području,
  - vrši angažiranje komunalnih službi na provođenju higijensko-epidemioloških mjera zaštite i obavlja druge poslove koji se odnose na čistoću na pogođenom području,

### **3. Služba za zaštitu i spašavanje iz ruševina i raščišćavanje terena formira se u „BN TRANSPORT“ d.o.o. Zavidovići**

Ova služba vrši operativne mjere zaštite i spašavanja koje se odnose na sprečavanju rušenja, odnosno spašavanja ljudi i materijalnih dobara koja su ugrožena srušenim ili oštećenim stambenim zgradama i drugim objektima na pogođenom području i to:

- a) u fazi spašavanja
  - organizuje spašavanje ljudi zatrpanim u ruševinama i raščišćavanje ruševina,
  - vrši vizuelnu i instrumentalnu kontrolu oštećenih i porušenih objekata,
  - preduzima mjere da se izvrši podupiranje, razupiranje i osiguranje pomjerenih i oštećenih konstrukcija,
  - organizuje kontrolisano rušenje objekata koji se ne mogu sanirati,
  - preduzima mjere na prevoženju i deponovanju građevinskog šuta i raščišćavanju i osposobljavanju komunikacija,
  - vrši kategorizaciju objekata u odnosu na obim oštećenja i utvrđuje neophodne sanacione radove u cilju sprečavanja rušenja oštećenih objekata od naknadnog rušenja,
  - vrši djelimičnu sanaciju stambenih i drugih objekata,
  - organizuje izgradnju privremenih objekata za smještaj ugroženog i nastralog stanovništva, zaklona i skloništa, šaftova i protivpožarnih prepreka.
- b) u fazi otklanjanja posljedica
  - organizira aktivnosti na stvaranju smještajnih stambenih i drugih uslova za život ljudi na pogođenom području,
  - Vršiti čišćenje površina od posljedica djelovanja prirodne ili druge nesreće, poplave, klizišta, sniježnih nanosa i dr.,
  - vrši prikupljanje podataka i utvrđuje obime posljedica koje su nastale djelovanjem prirodne i druge nesreće na stambene i druge objekte.

### **4. Gorska služba spašavanja formira se u udruženje „Gorska služba spašavanje – stanica Zavidovići“.**

Gorska služba spašavanja formira se u udruženjima građana koja se bave planinarenjem, speleologijom, skijanjem, penjanjem, odnosno planinarsko-alpinističkim aktivnostima, speleološkim ronjenjem, padobranstvom, raftingom, lovom i drugim sličnim sportskim aktivnostima. Ova služba vrši operativne mjere zaštite i spašavanja koje se odnose na spašavanje u planinama, na stijenama, speleološkim objektima i drugim nepristupačnim mjestima, pri nepovoljnim vremenskim uslovima (snijeg, hladnoća, led, magla i sl.), kada pri

spašavanju treba primijeniti posebno stručno znanje i upotrijebiti odgovarajuću opremu za spašavanje u planinama na pogođenom području i to:

a) u fazi spašavanja:

- otklanja neposredne opasnosti u planinama i drugim nepristupačnim područjima koja mogu ugroziti ljude na određenom području,
- vrši potragu za izgubljenim ljudima u planinama i drugim nepristupačnim područjima,
- vrši spašavanje ljudi iz speleoloških objekata, litica i kanjona,
- vrši spašavanje ljudi u urbanim sredinama, te drugim neplaninskim područjima i to na visokim objektima, tunelima i cijevima, u prometnim nesrećama i na moru, te kod niza ekstremnih sportova (parajedrenje, brdski biciklizam, rafting i sl.).
- vrši spašavanje ljudi na uređenim i neuređenim skijalištima, penjalištima i drugim objektima i prostorima u prirodi, za vrijeme specifičnih sportskih, turističkih, rekreativnih, kulturoloških i drugih aktivnosti u prirodi i planinskom području, te speleološkim objektima,
- vrši potrage i spašavanje ljudi iz lavina i provođenje preventivnih mjera u vezi sa opasnostima od snježnih lavina u planinskim područjima,
- učestvuje u sistemu traganja i spašavanja za nestalim zrakoplovima i drugim prometnim sredstvima u planinama, strmim dijelovima obale i drugim nepristupačnim područjima,
- organizira transport povrijeđenih i oboljelih ljudi i pripadnika gorske službe spašavanja sa planina i drugih nepristupačnih područja te podnošenje zahtjeva nadležnim službama za helikopterski transport, posredstvom nadležnog operativnog centra civilne zaštite, osim u slučaju kada organizator aktivnosti osigura helikopter i osigurava prisustvo pripadnika gorske službe spašavanja,
- vrši spašavanje ljudi na visinama i visokim objektima u slučaju potresa, vremenskih nepogoda i drugih nesreća na nepristupačnim prostorima,
- vrši spašavanje ljudi u nesrećama u slučaju loših vremenskih uslova uz primjenu posebnih stručnih znanja i tehničke opreme za spašavanje u planinama.

b) u fazi otklanjanja posljedica:

- preduzima aktivnosti i postupke kojima se umanjuje nepovoljan učinak nesreće prilikom spašavanja ugroženih ljudskih života,
- ostvaruje saradnju i koordinaciju sa organima civilne zaštite i drugim fizičkim i pravnim licima u preduzimanju postupaka za spašavanje ljudskog života i imovine u složenom pristupu unesrećenom i pružanje prve pomoći u planini i na drugim neurbanim i teško pristupačnim područjima uz primjenu odgovarajuće tehnike i opreme gorske službe spašavanja na pogođenom području.

## Član 6.

Pored službi iz člana 5. ove Odluke, Služba za upravu civilne zaštite može odrediti i druga pravna lica, udruženja građana i nevladine organizacije čija je djelatnost od značaja za zaštitu i spašavanje i sa tim pravnim licima, udruženjima i organizacijama može zaključiti Ugovor o načinu i uslovima njihovog angažovanja na zadacima i spašavanju na području grada koje time imaju status službe zaštite i spašavanja.

U Ugovoru iz stava 1. ovog člana utvrđuju se prava i obaveze o međusobnim odnosima u angažovanju tih pravnih lica, udruženja i nevladinih organizacija na zadacima zaštite i spašavanja, kao i obaveze Službe za upravu civilne zaštite prema tim licima, udruženjima i organizacijama koje se odnose na obezbjeđenje određenih finansijskih sredstava za nabavku

opreme i drugih sredstava rada koja su potrebna za rad tih udruženja i organizacija na zadacima zaštite i spašavanja.

### **III – ZADACI NA FORMIRANJU, OPREMANJU, POPUNI I UPOTREBI SLUŽBI ZAŠTITE I SPAŠAVANJA**

#### **Član 7.**

Rukovodioci pravnih lica, odnosno udruženja iz člana 5. ove Odluke u kojima se formiraju predviđene službe zaštite i spašavanja u saradnji sa Službom za upravu civilne zaštite vrše sljedeće poslove:

- da svojim aktom formiraju službu, određuju rukovodioca službe i broj pripadnika službe,
- da popunu službe vrše zaposlenicima koji se nalaze na radu u pravnom licu, odnosno članovima udruženja koji su obučeni i osposobljeni za vršenje poslova iz nadležnosti službe,
- da utvrde potrebe u opremi, tehničkim i drugim sredstvima rada koja su neophodna za rad službe zaštite i spašavanja i da preuzimaju mjere za obezbjeđenje te opreme i sredstava,
- da organizuju i provode obučavanje pripadnika službe za uspješno vršenje poslova zaštite i spašavanja iz nadležnosti službe,
- da u roku od šest mjeseci od potpisivanja ugovora iz člana 10. ove Odluke izrade vlastite procedure rada za postupke djelovanja u slučajevima angažovanja na zadacima zaštite i spašavanja iz nadležnosti službe.

#### **Član 8.**

Službe zaštite i spašavanja iz člana 5. ove Odluke poslove iz svoje nadležnosti vrše u fazi nastanka prirodne ili druge nesreće i u fazi otklanjanja i saniranja nastalih posljedica, a zadatke koji se odnose na preventivnu zaštitu ostvaruju u okviru obavljanja redovne djelatnosti u pravnom licu, odnosno udruženju u kojima su formirane.

#### **Član 9.**

U cilju stvaranja uslova da Službe zaštite i spašavanja iz člana 5. ove Odluke mogu vršiti poslove zaštite i spašavanja predviđene ovom Odlukom, Služba za upravu civilne zaštite će planirati odgovarajuća sredstva u budžetu grada, kao i dio sredstava iz posebne naknade za zaštitu i spašavanje koja pripadaju Gradu prema članu 180. Zakona o zaštiti i spašavanju ljudi i materijalnih dobara od prirodnih i drugih nesreća (u daljem tekstu: Zakona o zaštiti i spašavanju) koja će se koristiti za nabavku opreme, tehničkih i drugih sredstava koja su neophodna za rad tih službi i za obučavanje i osposobljavanje njihovih članova koji obavljaju poslove iz nadležnosti Službe zaštite i spašavanja.

Finansijska sredstva iz stava 1. ovog člana obezbjeđuju se samo za finansiranje onog dijela aktivnosti Službi zaštite i spašavanja koje će one vršiti kao dio dodatne djelatnosti koja se odnose na zaštitu i spašavanje ljudi i materijalnih dobara od prirodnih i drugih nesreća koji su ovom Odlukom i ugovorom iz člana 11. ove Odluke stavljeni u nadležnost tih službi. Raspodjela sredstava iz stava 1. ovog člana na pojedine Službe zaštite i spašavanja sa



podacima o vrsti i količini sredstava koja treba nabaviti vrši Služba za upravu civilne zaštite na zahtjev organa i pravnih lica iz člana 5. ove Odluke, a u okviru zadatka iz stava 2. ovog člana i u skladu sa godišnjim programom razvoja godišnjim finansijskim planom i godišnjim programom rada tih službi.

#### **Član 10.**

Pravna lica i udruženja iz člana 5. ove Odluke u kojima su formirane Službe zaštite i spašavanja opremu i tehnička sredstva nabavljena iz sredstava član 9. ove Odluke mogu koristiti za obavljanje svoje radne djelatnosti s tim da su dužni obezbjediti efikasno funkcionisanje Službi zaštite i spašavanja kada se naredi njihovo angažovanje što se bliže uređuje ugovorom iz člana 11. ove Odluke.

#### **Član 11.**

Gradonačelnica će sa pravnim licima i udruženjima iz člana 5. ove Odluke zaključiti ugovor o međusobnim pravima i obavezama i utvrditi konkretne zadatke službi u pitanjima zaštite i spašavanja ljudi i materijalnih dobara od prirodnih i drugih nesreća, kao i način djelovanja službi kada Gradski štab donese naredbu o njihovom angažovanju na zadacima zaštite i spašavanja na području grada.

Zaključivanje ugovora iz stava 1. ovog člana vrši se onda kada Služba za upravu civilne zaštite utvrdi da je pravno lice, odnosno udruženje ispunilo uslove iz člana 7. ove Odluke, a pravno lice i udruženje koje ne ispuni te uslove nema status Službe zaštite i spašavanja.

#### **Član 12.**

Upotrebu Službi zaštite i spašavanja iz člana 5. ove Odluke na zadacima zaštite i spašavanja u uslovima iz člana 8. ove Odluke, vrijeme i mjesto za njihovo djelovanje na području grada, naređuje Pomoćnik gradonačelnice Službe za upravu civilne zaštite i Gradski štab.

Kada Pomoćnik gradonačelnice Službe za upravu civilne zaštite i Gradski štab iz stava 1. ovog člana, naredi angažovanje Službi zaštite i spašavanja, rukovodioci pravnih lica i udruženja građana iz člana 5. ove Odluke u kojim su formirane Službe zaštite i spašavanja, dužni su preduzeti sve potrebne mjere kojima će obezbjediti da službe pravovremeno dođu na mjesto određeno odlukom ili naredbom i da mogu vršiti zadatke iz svoje nadležnosti.

Izuzetno u hitnim slučajevima kada ne postoji mogućnost da se u što kraćem roku održi sjednica Gradskog štaba, angažovanje Službi zaštite i spašavanja iz člana 5. ove odluke, može da naredi Komandant, odnosno Načelnik Gradskog štaba, ako je Komandant odsutan o čemu je dužan blagovremeno obavijesiti Komandanta Gradskog štaba.

Službe zaštite i spašavanja iz člana 5. ove Odluke angažuju se onda kada Gradonačelnica proglasi nastanak prirodne ili druge nesreće na području grada, a izuzetno angažovanje tih službi može se izvršiti i prije proglašenja prirodne ili druge nesreće, u slučaju kada prijeti neposredna opasnost od nastanka prirodne i druge nesreće i cilju preduzimanja odgovarajućih mjera na sprečavanju nastanka te opasnosti ili nesreće ili ublažavanja njihovog djelovanja.



### Član 13.

Služba za upravu civilne zaštite će preduzimati odgovarajuće aktivnosti na formiranju službi zaštite i spašavanja iz člana 5. ove Odluke njihovoj popuni ljudstvom i materijalno-tehničkim sredstvima, obučavanju i stručnom osposobljavanju i u tim pitanjima pružati odgovarajuću stručnu i drugu pomoć i starati se da službe budu osposobljene za vršenje zadataka za koje su formirane, a pravna lica i udruženja građana iz člana 5. ove Odluke, su dužna postupiti po zahtjevima Službe za upravu civilne zaštite.

## IV - PRIJELAZNE I ZAVRŠNE ODREDBE

### Član 14.

Službe zaštite i spašavanja iz člana 5. Ove Odluke formirat će se u roku od tri mjeseca od dana stupanja na snagu ove Odluke.

### Član 15.

Ova Odluka stupa na snagu danom donošenja i objavit će se u „Službenom glasniku Grada Zavidovići“.

## O B R A Z L O Ž E N J E

### USTAVNOPRAVNI I ZAKONSKI OSNOV ZA UVOĐENJE ODLUKE

Članom 123. stav (3). Zakona o zaštiti spašavanju ljudi i materijalnih dobara od prirodnih i drugih nesreća („Službene novine Federacije BiH“, broj: 39/03 i 22/06 i 43/10) određeno je: „Vlada Federacije, na prijedlog Federalne uprave, određuje pravna lica i udruženja građana od kojih će se organizovati služba zaštite i spašavanja, koja će djelovati na teritoriji Federacije, a vlada kantona, odnosno općinski načelnik određuje pravna lica i udruženja građana, u kojima će se organizovati službe zaštite i spašavanja koje će djelovati na području kantona, odnosno općine.“

U članu 13. Uredbe o organizovanju Službi zaštite i spašavanja Federacije Bosne i Hercegovine („Službene novine Federacije BiH“, broj: 58/06, 66/12, 11/17, 20/20, 43/21 i 18/23) propisano je: „U skladu sa odredbom člana 123. stav 3. Zakona o zaštiti i spašavanju, vlade kantona svojim aktom formiraju službe zaštite i spašavanja kantona na prijedlog kantonalne uprave civilne zaštite koje će djelovati na području kantona. Formiranje službi zaštite i spašavanja iz stava 1. ovog člana vrši se u skladu sa potrebama koje su utvrđene u procjeni ugroženosti područja kantona od prirodnih i drugih nesreća, kadrovskim i materijalnim uvjetima kojima raspolažu pravna lica i udruženja građana u kojima se formiraju službe“.

U članu 14. Uredbe o organizovanju Službi zaštite i spašavanja Federacije Bosne i Hercegovine („Službene novine Federacije BiH“, broj: 58/06, 66/12, 11/17, 20/20, 43/21 i 18/23) propisano je: „Odredbe člana 13. ove Uredbe analogno se primjenjuju i na formiranje službi zaštite i spašavanja za potrebe općine odnosno grada što se vrši u skladu sa procjenom ugroženosti područja općine odnosno grada od prirodnih i drugih nesreća i potrebama općine

utvrđene i toj procjeni. Formiranje službi iz stava 1. ovog člana vrši općinski načelnik na prijedlog službe civilne zaštite općine“

## RAZLOZI ZA DONOŠENJE ODLUKE I OBJAŠNJENJE ODABRANE POLITIKE

Izvođenje radova, nabavka roba i usluga kroz redovne procedure javnih nabavki zahtijevaju određeni vremeniski period. Međutim u slučajevima neposredne opasnosti od prirodnih i drugih nesreća mora se hitno djelovati, kako bi se spriječio nastanak prirodne ili druge nesreće, odnosno ublažilo djelovanje prirodne i druge nesreće. Stoga se organizuju određene službe zaštite i spašavanja u pravnim licima koje se u skladu sa zakonskim propisima angažuju u najkraćem roku, mimo procedura javnih nabavki. Donošenjem ove Odluke odnosno organizovanjem Službi zaštite i spašavanja značajno će se poboljšati kvalitet i efikasnost sistema zaštite i spašavanja ljudi i materijalnih dobara od prirodnih i drugih nesreća.

## USKLAĐENOST ODLUKE SA KANTONALNIM I FEDERALNIM ZAKONODAVSTVOM

Odredbe ove Odluke usklađene su sa odredbama Zakona o zaštiti spašavanju ljudi i materijalnih dobara od prirodnih i drugih nesreća („Službene novine Federacije BiH“, broj: 39/03 i 22/06 i 43/10), Uredbom o organizovanju Službi zaštite i spašavanja Federacije Bosne i Hercegovine („Službene novine Federacije BiH“, broj: 58/06,66/12,11/17,20/20,43/21 i 18/23) i Pravilnikom o organizovanju službi zaštite i spašavanja i jedinica civilne zaštite, njihovim poslovima i načinu rada („Službene novine Federacije BiH“, broj: 77/06 i 52/22).

## OBRAZLOŽENJE PRAVNIH RJEŠENJA U ODLUCI

Članom 5. ove Odluke određeno je koje Službe zaštite i spašavanja, i u kojim pravnim licima i udruženjima će se formirati, i to: Služba za medicinsku pomoć formira se u Javnoj ustanovi „Dom zdravlja“ Zavidovići, Služba za asanaciju terena i vodosnadbijevanje formira se u JKP „RADNIK“ Zavidovići, Služba za zaštitu i spašavanje iz ruševina i raščišćavanje terena formira se u „BN TRANSPORT“ d.o.o. Zavidovići, Gorska služba spašavanja formira se u udruženju „Gorska služba spašavanje – stanica Zavidovići“.

Članom 7. ove Odluke određeni su poslovi koje će pravna lica odnosno odnosno udruženja u kojima su formirane službe zaštite i spašavanja izvršavati u saradnji sa Službom za upravu civilne zaštite.

U članu 9. ove Odluke predviđen je izvor i način finansiranja formiranja, opremanja i angažovanja službi zaštite i spašavanja.

Članom 11. ove Odluke je predviđeno da će Gradonačelnica sa pravnim licima i udruženjima zaključiti ugovor o međusobnim pravima i obavezama, te utvrditi konkretne zadatke službi po pitanju zaštite i spašavanja.

U članu 12. ove Odluke propisane su procedure angažovanja službi zaštite i spašavanja.

## PROVEDBENI MEHANIZMI I NAČIN OSIGURANJA POŠTIVANJA ODLUKE

Za provođenje i realizaciju ove Odluke zadužuje se Služba za upravu civilne zaštite Grada Zavidovići.

## OBRAZLOŽENJE FINANSIJSKIH SREDSTAVA ZA PROVOĐENJE ODLUKE I FINANSIJSKI EFEKTI ODLUKE

Finansijska sredstva za provođenje ove Odluke obezbjeđuju se u Budžetu grada Zavidovići shodno članu 179. Zakona o zaštiti spašavanju ljudi i materijalnih dobara od prirodnih i drugih nesreća („Službene novine Federacije BiH“, broj: 39/03, 22/06 i 43/10), kao i iz sredstava posebne naknade za zaštitu i spašavanje koji plaćaju sva pravna lica i građani koji obavljaju samostalnu djelatnost u visini od 0,5 % od osnovice koju čine isplaćene neto plaće zaposlenika u radnom odnosu i svih lica angažiranih po ugovoru o vršenju privremenih i povremenih poslova i po ugovoru o djelu shodno članu 180. Zakona o zaštiti spašavanju ljudi i materijalnih dobara od prirodnih i drugih nesreća.

### OPIS KONSULTACIJA VOĐENIH U PROCESU IZRADE ODLUKE

U procesu izrade ove Odluke konsultovani su svi zakonski propisi vezani za Službe zaštite i spašavanja.

GRADONAČELNICA

mr. iur. Erna Merdić Smailhodžić

Akt pripremio: \_\_\_\_\_  
(Kenan Hadžić)

Akt kontrolisao: \_\_\_\_\_  
(Izet Bašić)

Akt pregledao: \_\_\_\_\_  
(Nermin Čahtarević)